

佛說如來不思議祕密大乘經卷第二十

宋西天三藏朝散大夫試光祿卿光梵大師
惟淨等奉 謹譯

總持功德讚說譬喻無盡品第二十四之二

爾時賢王天子白佛言世尊一切法無攝受無我無取無續無斷然以方便隨宜所作諸勤行者以正方便現前得法世尊譬如大水積於地下須假人力勤行施作或開以坑或鑿以井由勤力故方獲其水若無坑井水乃何得勤行方便之者亦復如是以勤力故於一切處勝智通達若無勤力智從何得是故求菩提者常勤方便發起精進即能現前獲得聖法又如世間生盲之人所生色像而不能見衆生煩惱暗蔽亦然於所生法而不能見又如世間有目之人於黑暗中若無明炬即不能見一切色像修天眼者亦復如是若

無善知識說法教導不能於法而生信解又如已具淨天眼者不假世間光明所照菩薩亦復如是所作已辦者不假他人而爲教導又如世人處胎藏者都無所見亦復不見有所增長發起精進菩薩亦復如是雖修佛法亦不見菩提有所增長又如大雪山王所有諸樹依之而生諸樹必無中有破壞及彼焦枯菩薩亦復如是勤行方便修諸正法依智所生亦不於中破壞減失又如轉輪聖王出於世間七寶隨出所謂輪寶象寶馬寶珠寶女寶主藏神寶主兵神寶等菩薩亦復如是若發菩提心七寶亦隨出所謂布施持戒忍辱精進禪定勝慧方便等又如轉輪聖王統行四大洲界於諸衆生平等愛念而無異想菩薩亦復如是以四攝法普攝衆生而無異

想四攝所謂布施愛語利行同事又如轉輪聖王行王法化一切悉無鬭戰爭訟菩薩亦復如是安居說法悉無一切邪外戰訟又如三千大千世界最初成立大須彌山及彼大海菩薩亦復如是初發菩提心先以深固大悲建立又如世間日光出時先照高山菩薩亦復如是最初發起大智光明令諸衆生發起善根得智光照又如大地受諸種子而彼一切草木叢林依地而生平等滋長得陀羅尼菩薩亦復如是以無著心於一切衆生平等與法而無棄捨爾時世尊讚賢王天子言善哉善哉天子汝今善能譬喻宣說諸菩薩法天子當知假使一切草木叢林名相等聚法聚聲聚及形色聚徧入一切衆生心行普以一切名相分別一切衆生周徧伺察乃至

衆生飲食受用悉爲譬喻稱揚讚說彼得陀羅尼菩薩所有功德而不能盡天子彼得陀羅尼菩薩者諸有所說無有少法非佛語者又復一切色相光明聲香味觸法光明無不現前所得辯才不隨他聞而有繫屬不觀他相而有所說於一切處隨其所向通達無盡亦復無邊不以威力徧入一切身無麤重心無所緣能於百千諸佛現前說法無染無著而是菩薩以彼諸佛威神建立故得陀羅尼智慧辯才有所說法無染無著亦無退轉天子當知菩薩有三無著之法何等爲三一者我無著二者衆生無著三者法無著有三種通達清淨何等爲三一者法界清淨二者眞如清淨三者實際清淨又有三種通達無盡何等爲三一者法無盡二者文字無盡三者

演說無盡又有三種獲得通達加持之力何等爲三一者辯才加持二者法義加持三者入法加持又有三種成就歡喜何等爲三一者慧歡喜二者智歡喜三者斷疑歡喜又有三種速疾之法何等爲三一者念速疾二者慧速疾三者行速疾當佛說是總持功德讚說譬喻無盡法時會中八百菩薩得入陀羅尼門

燭累正法品第二十五

爾時金剛手菩薩大祕密主白佛言惟願世尊神力加持令此正法於後時後分後五百歲間浮提中廣宣流布佛言大祕密主我有密護正法祕密大明章句汝能記念不是章句者我昔曾於寶月如來所親所聽聞金剛手菩薩白佛言世尊我亦記念佛言大祕密

主汝今宜應爲此衆會密護正法令久住世當說徃昔大明章句爾時金剛手菩薩大祕密主合掌頂禮十方一切諸佛即說大明曰怛馳切身下同佗引惹野一惹野末帝三惹野設觀嚧二合引四阿梨五阿末梨六阿盧力帝七末彌那末散提八烏諦九烏怛末帝十烏怛嚧尼十一阿哩十二阿嚧摩尼十三阿哩怛摩尼十四阿牟引梨十五年羅引轉室帝十六年
引遷引努誠帝十七阿室十八末室十九末室帝二十引
阿尼二十一摩引尼二十二摩引尼帝二十二枯嚧二十四枯嚧引散提二十三達哩摩二合努誠帝二十二達哩摩二合怛翅二十三達哩摩二合鉢羅二合尾二尸引二薩哩二薩羅引薩哩二阿毗禰三毗那散提二伊喝三伊喝
你三十伊那努誠彌十五你誠嚧二四摩引

嚩引被引三
引被十六
你哩伽二合
怛你底引
哩他也
三合
喃引三
牟引十七
尾那喝那
引達哩摩
合捺尾合
尸被十八
尾駄末那
訖梨二合
舍引喃三
引

十鳥入嚩二
合羅那引
達哩摩合
你引底哩
九引被二
合引四
阿引擎呂
角切義引
達引哩摩
合

葛體迦引
喃十一
阿引尾設
那引十三
你哩嚩合
擎寫四十
鉢嚩二
合識嚩二
呼引冒引
提鉢
哩左引哩
迦引南
十三
鉢哩三塞
作引合鉢
那引鉢
哩沙合
那十四
迦引夜
引努鉢
嚩二合
那引喃四
十達哩摩
二合設
嚩合喃尼
迦引喃

引
喃十六
三滿接引
喝嚩怛
鍍二合
四薩貌
葛鉢嚩
多
三帝鉢
那喃十五
阿穆契引
婆引嚩
怛鍍
引
喃十八
阿嚩路引
葛喃四十
薩貌葛鉢
嚩
閃都十二
滿怛嚩二
合散提
嚩引
唎引
那烏那

引喝蘭擎五十
倪也二合
那阿芻引
擎多五
四十阿那
嚩密哩合
牠多引
称引舍那
引莎婆
引嚩怛鍍
五十五

金剛手菩薩大祕密主說是祕密大明章句
已時此三千大千世界皆悉振動即此三千
大千世界一切魔衆各與眷屬同時來詣佛
世尊所曲躬合掌俱白佛言世尊若諸法師
能從口門出是大明章句者我等諸魔皆往
承事恭敬令此大明最勝威力一切天人不
能破壞我等常當密作護衛無令一切伺得
其便

爾時世尊普偏觀察諸衆會已即說祕密大
明章句曰

惹叟訥哩惹合叟一惹野末帝二設彌三設
覩嚩二合
你哩伽二合
怛你四阿牟引
梨五

牟引羅鉢哩親你六摩引羅塞引馳身尾怛

囉二合薩你七穆吉底二合穆吉多二合囉帝

九成引提十阿毗你一婆野牟引左你二十婆

引嚕引喝尼三十難帝尾捺曳二十四引尾馳鉢

囉引訖囉二合牟五引十

即說伽陀曰

卷十
十一

正法攝伏於他語 以正法語善攝受
以法寶藏常護持 如來所說大明句

復說大明曰

阿彌一末彌二末末親你三阿哩體二合阿

哩佗合你薩多二合囉尼五

此是呼召四大天王大明章句

復說大明曰

提引哩一提引囉囉帝二虞引鉢帝二舍成

引毗四成引婆囉帝五設彌六

此是呼召帝釋天主大明章句

具慈善順大忍力 爲悲愍故說大明

喜捨二法悉具圓 梵王帝釋咸呼召

復說大明曰

阿囉尼一囉囉尼二珂溪三阿牟引梨四牟

引羅輸引馱你五

說伽陀曰
此是攝伏諸魔大明章句

今此祕密大明句 振動降伏一切魔

人中聖主力加持 善說斯經廣流演

如來所說此正法 當知於後末世時

宣說明句密加持 振復還復於今日

時諸魔衆咸來集會說伽陀曰

諸說法師大智者 我等諸魔當密護

令於最後末世時 得此正法墮於手

爾時世尊告金剛手菩薩大祕密主言汝應當知今此正法如來威神已加持故無人能於此正法中有所動轉何以故我念往昔過去世中有佛出世號寶月如來應供正等正覺明行足善逝世間解無上士調御丈夫天人師佛世尊世界名無毀劫亦名無毀彼佛法中有二法師有大威德名稱力勢一名慧上二名諦授彼二法師於寶月如來所聽聞受持此大明章句滿足半劫隨彼如來轉正法輪彼時所有三千大千世界百俱胝魔衆皆令成熟菩提聖法寂慧菩薩前白佛言世尊彼寶月如來爲現住說法爲已涅槃邪佛言寂慧東方去此百萬俱胝佛刹有佛國土其名無毀佛號寶月現住說法彼佛壽量十千劫數其佛刹中有諸魔衆很惡難調彼佛

宣說大明章句而悉調伏得調伏已皆於菩提聖法成熟圓滿大祕密主汝今當知我亦曾於寶月如來法中淨修梵行成就菩提聖法彼時慧上法師者即我身是彼時諦授法師者即金剛手菩薩是寂慧當知我於彼時與金剛手菩薩同勤精進心不放逸於彼佛世尊所尊重恭敬廣多供養聽受彼佛宣說祕密大明章句降伏諸魔攝護正法爾時世尊普偏觀察諸衆舍已普告衆言汝諸仁者誰當堪任於佛如來入涅槃後以我阿僧祇劫積集菩提勝行最上正法受持衛護不令隱沒爾時會中有一萬二千菩薩爲護法從座而起合掌頂禮向佛世尊說伽陀曰

若人捐棄於身命 所捨不求諸果報
但爲受持佛所宣 最上清淨正法故

復有賢王等五千天子合掌頂禮前白佛言
世尊我等咸願受持如來菩提聖法時諸天
子說伽陀曰

普爲一切衆生故 發起堅固大悲心
我當受持此法門 最上甚深佛所說
爾時帝釋天主尸棄梵王毗沙門天王說伽
陀曰

今此正法如妙藥 能治一切衆生病
我等當來悉護持 願佛知我衆心意
爾時金剛手菩薩大祕密主前白佛言世尊
我當受持如來於阿僧祇劫積集無上正等
正覺菩提聖法即說伽陀曰

諸法本來無文字 無中假以文字說
聖尊悲愍故敷宣 我當受持而流演
爾時世尊告尸棄梵王言梵王當知菩薩有

跋十

七

三種最上供養承事如來以其最上承事供
養故獲福無量何等爲三一者發起阿耨多
羅三藐三菩提心二者住持諸佛正法三者
隨所聞法如實修行大梵如是三種最上供
養如來若住一劫乃至劫盡或復壽命無量
此供養事所獲福報廣說不能得其邊際所
以者何若欲最上供養諸如來者應當修此
三種最上廣大清淨法之供養復次大梵若
有人於如來所說正法之中而能受持一四
句偈者是即護持過去未來現在諸佛世尊
菩提聖法何以故諸佛菩提從法出生是故
法之供養超出世間財供養事法供養者諸
供養中勝中最勝最上第一大梵我念過去
光明王族中有一太子名曰具慧忽時一夜
於其夢中親所聽聞說二伽陀聞已記念覺

乃惟忖我今得大寶藏即時忽然高振其聲作如是言我今得大寶藏時王及后乃問其故太子即時具陳上事乃爲父母說是二伽陀曰

世間財寶聚還散 王官水火賊盜分

諸佛多聞妙法財 多俱胝劫不壞失

常無放逸甘露法 利衆生發菩提心

深固寂靜心亦然 諸樂根本無所取

大梵彼時太子爲其父母說夢中所聞二伽

陀時彼有八千人成熟菩提善根四萬二千

衆生悉得生天以是緣故所有多聞清淨法

財應當精勤依法修行修正法故即能如應

爲他攝受復次大梵有二種法而能多作何

等爲二者於諸衆生不興損害二者勤求

多聞而無厭足若有能行此二法者於正法

第十一

大

眼而不斷滅大梵汝於賢劫諸如來所勸請說法善護正法而彼賢劫諸佛如來若諸清淨衆生方得值遇出世是故汝今勿應貳捨何以故大梵濁惡時中若能於一晝夜受持正法者獲福多於百千劫中清淨佛刹持正法者是故大梵汝應發起廣大精進於此濁惡時中堅固護持如來正法

爾時世尊告尊者阿難言汝今宜應於此所說如來祕密金剛手品部惹囉陀羅尼門堅固受持於後末世爲他廣說我今以是正法付囑於汝汝於末世時中所有具彼劣信解者不應爲說此正法門使彼癡迷何以故於此正法罔徹源底故若有於正法中得自在者已善成辦諸勝事業是法器者應當爲說

此正法門彼得聞已不生驚怖何以故正法

出生故爾時尊者阿難前白佛言世尊我今
以佛威神力故受持此法隨其力能流布宣
演佛言阿難汝今見此金剛手菩薩大士於
佛正法勤力護持不阿難白佛言唯然已見
第十九
佛言阿難汝今亦然於此正法隨宜攝受堅
固護持如應宣說阿難白佛言此經何名我
等云何受持佛言阿難是經名曰金剛手品
亦名宣說如來祕密亦名不思議佛法亦名
無量福聚如是名字汝當受持復次阿難汝
今當知若有住菩薩乘人佛眼所觀者能以
衆寶廣大充滿諸佛刹中乃至從地積千有
頂廣行布施而不望報若復有人不以財利
之心如善所作爲他演說此正法者福多於
彼此說是名如來祕密無量福聚當佛說此
囑累正法品時會中有千俱胝人發阿耨多

羅三藐三菩提心九萬六千菩薩獲得忍法
八萬四千人得法眼淨千六百苾芻得心解
脫千六百苾芻尼亦得心解脫十方無量諸
佛刹土皆悉振動百千天人於虛空中鼓奏
天樂雨衆妙華伸供養已咸作是言願此正
法久住世間於闍浮提廣宣流布佛說此經
已金剛手菩薩大祕密主及寂慧等諸菩薩
衆賢王等諸天子衆阿闍世王等諸大國王
并餘菩薩及阿難等諸大聲聞乃至一切世
間天人阿修羅乾闥婆等聞佛所說皆大歡

喜信受奉行

佛說如來不思議祕密大乘經卷第二十

音釋

慣古外切
煩亂也

窒日職切

鋗忙范切